



Feto ho labarik iha Oecuse / Kate Bensen / Oxfam iha Timor-Leste

# FETO IHA SETÓR AGRIKULTURA IHA TIMOR-LESTE:

## Impaktu COVID-19 no Estadu Emerjénsia

Li Li Chen, Universidade Nacional Timor-Lorosae (UNTL)

**R**elatóriu ida-ne'e apresenta konkluzan sira kona-ba impaktu husi COVID-19 no asosiadu Estadu Emerjénsia iha fulan-Marsu to'o fulan-Juñu 2020 kona-ba feto iha setór agrikultura Timor-Leste. konkluzan hirak ne'e rekolla husi dadus entrevista ho feto vulneravel hamutuk 266 iha agrikultura no agronegósiu husi munisípiu 6 iha Timor-Leste: Ermera, Dili, Liquica, Aileu, Baucau, no Manatuto. Partisipante sira inklui feto ho defisiénsia, feto faluk no feto idozu.

Peskiza ne'e nia konkluzan xave mak tuir-mai ne'e:

1. Feto-sira nia seguransa finanseiru afeita husi COVID-19: Molok Estadu Emerjénsia, respondente sira ne'ebé mak nia rendimentu fulan ida menus husi USD50 mak porsentu 66.2. Durante Estadu Emerjénsia, grupu ida-ne'e sa'e to'o ba iha porsentu 97.7.

**66%** Rendimentu fulan ida menus husi USD50 antes Estadu Emerjénsia

**98%** Rendimentu fulan ida menus husi USD50 Durante Estadu Emerjénsia

2. Feto-sira hasoru problema asesu ba merkadu ne'ebé limitadu durante Estadu Emerjénsia: Respondente sira ne'ebé iha difikuldade asesu ba merkadu mak porsentu 75.2. Husi porsentajen

ne'e, porsentu 21.4 informa menus transporte hanesan razaun prinsipál.



**75%**

Respondente sira iha difikuldade asesu ba merkadu

3. Sinál alerta sedu kona-ba krize alimentár hatudu klaru. Porsentajen respondente ne'ebé mak loran ida, han dala-tolu, tun ba porsentu 33.1 durante Estadu Emerjénsia, enkuantu porsentajen respondente ne'ebé mak loran ida, han dala-ida no dala-rua, respetivamente, sa'e ba porsentu 15.8 no porsentu 42.5.



**31%**

Respondente ne'ebé mak loran ida, han dala-tolu, tun ba porsentu 33.1 durante Estadu Emerjénsia

4. Seguransa alimentár afeita husi fatór oioin no aat liutan iha períodu COVID-19: Respondente porsentu 45.5 relata restrisaun relaciona ho COVID-19 mak hanesan kauza prinsipál ba menus alimentár, porsentu 14.3 relata mudansa klimátika, no porsentu 1.9 de'it mak fiar katak moras

animál no pesti fini mak kauza prinsipál ba menus alimentár

**46%** Relata restrisaun relasiona ho COVID-19 mak hanesan kauza prinsipál ba menus alimentár


5. Feto barak mak bele konsume produktu lokál durante Estadu Emerjénsia maibé respondente porsentu 27.4 labele halo sira nia atividade agrikultura hanesan baibain.

 **27%** labele halo sira nia atividade agrikultura hanesan baibain

6. Feto iha setór agrikultura relata volume serbisu uma-laran aumenta sa'e durante Estadu Emerjénsia COVID-19: respondente porsentu 44 mensiona katak serbisu uma-laran aumenta durante restrisaun COVID 19. Respondente porsentu 66.2 informa katak durante iha uma, sira halo serbisu uma-laran liuhusi rua.

 **44%** Mensiona katak serbisu uma-laran aumenta durante restrisaun COVID 19

7. Maioria feto sira iha asesu ba informasaun: Respondente porsentu 84.6 informa iha meius atu asesu ba informasaun kona-ba COVID-19. Televizaun no telemóvel mak fontes informasaun komún ba COVID-19.

 **85%** Informa iha meius atu asesu ba informasaun kona-ba COVID-19

8. Maioria feto sira hatene kona-ba medida prevensaun COVID-19: Respondente porsentu 89.4 iha koñesementu kona-ba oinsá atu prevene COVID-19 liuhusi fase liman ho sabaun no/ka uza máskara, mantein distansiamentu sosiál, no

kumpre rekerementu sira ne'ebé define ona husi Ministériu Saúde no Organizasaun Mundiál Saúde.

 **89%** Iha koñesementu kona-ba oinsá atu prevene COVID-19

9. Medida prevensaun COVID-19 atuál, dalaruma ladún efetivu ba feto balun tanba menus asesu ba bee, saneamentu no ijéne: Respondente porsentu 17.3 informa menus asesu ba bee no saneamentu.

 **17%** Informa menus asesu ba bee no saneamentu

Konkluziun hirak ne'e hatudu katak feto iha setór agrikultura no agronegósio hasoru inseguransa alimentár no finanseiru no mós dezafiu sira seluk durante Estadu Emerjénsia COVID-19. Governu Timor-Leste halo ona resposta efetivu ida ba COVID ne'ebé mak konsege mantein número kazu no infesaun ne'ebé ki'ik, jere liuhusi kontrolu kuarantina no fronteira ne'ebé rigorozu. Ida-ne'e atu responde ba interese moris-di'ak ba ema hotu iha Timor-Leste. Resposta hirak ne'e sei haforsa liutan liuhusi análiza jéneru ne'ebé haree ba impaktu sira husi polítika no programa ne'ebé resposta ba COVID-19 ba iha feto sira nia atividade buka moris, moris-di'ak, seguransa alimentár no finanseiru, atu dezenvolve métodu ida ne'ebé mak atu redus, la'ós atu halo aat liutan dezigualdade jéneru no diskriminasaun

Relatóriu ida-ne'e konklui ho rekomendasaun polítika 4 ne'ebé mak sei haforsa prevensaun no resposta ba COVID-19, no redus dezigualdade jéneru iha Timor-Leste:

- Fahe halo barak dadus dezagregadu husi jéneru ne'ebé di'ak
- Koloka jéneru hanesan kestaun sentrál ida ba polítika preparasaun, resposta no implementasaun.
- Fó alvu ba asesu informasaun no servisu be'e, saneamentu no lije ne'ebé ba feto.
- Dezenvolve feto sira nia reziliénsia ekonómiku iha Timor-Leste liuhusi investe di'ak liután iha setór agrikultura.